

REGIONAL NEWS BULLETIN

Thursday, September 11, 2025

HEADLINES (MORNING)

- 1. BJP State Mizoram President Dr K Beichhua chuan Mizoram rel kawng hawn tur a ni ta chu Zoram mipui lawmlo an awm lo ang a ti.
- 2. Chief Minister Pu Lalduhoma hovin a bial Neihloh khaw thar tura duan chu official pawimawh leh Neihloh khawtlang hruaituten an enho.
- 3. Union Cabinet Committee on Economic Affairs (CCEA) chuan hmasawwna ruhrel lian tak tak pahnih cheng vaibelchhe 7616 senna tur an pawm.
- 4. India leh Nepal ramriah venhimna khauh taka kalpui a ni.

<><><>

INC TO ANNOUNCE CANDIDATE

BJP State Mizoram President Dr K Beichhua chuan Mizoram rel kawng hawn tur a ni ta chu Zoram mipui lawmlo an awm lo ang a ti.

Social Media kaltlanga he thu hi sawiin Pu Beichhua chuan Prime Minister Narendra Modi-a hmalakna avanga Mizoram relin a pawh tur chu thu lawmawm tak a ni a ti a, hei hi Viskit bhara- sapka sath sapka vikas bawhzuina atana a hmalakna a ni lo thei lo a, mitin huapzo hmalakna a ni a ti.

Prime Minister Narendra Modi a hian inrinni khian Mizoram a tlawh dawn a, hemi ni zing Dar 06:00 atanga chawhnu Dar 01:00 inkarah Prime Minister of India chet velna tibahlah lo turin ruahmanna hrang hrang siam a ni a,

Aizawl Thuampui, Bawngkawn, Ramhlun North, Ramhlun Venglai, Ramhlun South, Chaltlang Lily Veng, Chaltlang, Chanmari, Zarkawt, Dawrpui, Venglui huam chhung kawngpui dung.

Lengpui, Sihhmui, Sairang Zero Point, Phunchawng, Rangvamual, Hunthar, Company Peng, Edenthah ah te kawngpui dungah engmawh inchhawpchuah phal a ni lo a ni.

Lirthei tlan dan khuahkhirhna pawh ruahman a ni a, lirtheia veivakten harsatna an tawh loh nan leh tul lova hun an sen thlawn loh nan lo inhmakhua a, pumpelh dan kawng zawng turin ngenna sia,m a ni

Inrinni zing dar 08:30 atanga chawhnu dar 01:00 inkarah Falkland peng atanga Bawngkawn - Ramhlun/Chaltlang - Chanmari - Treasury Square - Sikulpuikawn kawngah a tawn tawnin lirthei eng chi mah tlan phal a ni lo.

Inrinni zing dar 06:00 atanga chawhnu dar 01:00 inkarah Bawngkawn Hmar Veng kawngah Thuampui Helipad kaltlangin; Bawngkawn leh Thuampui kawng atangin lirthei eng chi mah tian phal a ni lo.

Zirtawpni zan dar 07:00 atanga ni Inrinni zan dar 07:00 thlengin HMT, MMV, 407 Truck leh a tlukpuite chu Aizawl khaw chhung luh leh tan tlang phal a nih dawn lo a ni.

<><><>

CM

Chief Minister Pu Lalduhoma hovin a bial Neihloh khaw thar tura duan (proposed plan) chu official pawimawh leh Neihloh khawtlang hruaituten niman an enho.

Neihloh khaw thuthmun hi leilung chhiatna thleng thei (Disaster) lakah a him tawh lova, kumin fur pawh hi an tuar nasa hle a ni. Hetiang dinhmuna an din avang hian an khawtlang chuan a khaw ram chhung, tuna an khaw thuthmun thlenhma deuhah hian khaw thar kai mai an duh a. Sorkar atanga hmasawwna hnathawhna tur sum an hmuhte pawh khaw thar atan an dah deuh zel tawh a ni.

Bialtu MLA leh Chief Minister kaihhraina hnuaiah khaw thar tur ruahmanna hi Town & Country Planning, UD & PA chuan plan an siam a, vawiin hian an thlirho ta a ni.

Pu Lalhrualtuanga Ralte, Asst. Director, Town & Country Planning chuan Neihloh khaw thar, chenna in 108 leh sorkar hmunhma pawimawh engemaw zat awm theihna tur plan an siam chu sawifiahna a nei a. A hmunhma hi a rang lama sam fai ni se, hmalak bul tan theih chi apiang chu tan mai ni se an ti.

Chief Minister hi Pu Vanlaldina Fanai, Commissioner & Secretary to CM chuan a tawiawm a, UD & PD official pawimawhte leh Neihloh khawtlang hruiatute an tel bawk.

<><><>

LEGAL SERVICES CLINIC

NALSA Veer Parivar Sahayata Yojona 2025 Scheme hnuiaia kalpui Legal Service Clinic chu Sainic Welfare Office, Tuikhuahtlangah Mizoram State Legal Services Authority member-secretary, Pu Vincent Lalrokiman nimin khan a hawng.

Pu Vincent Lalrokima chuan Indian Constitution Article 39-na beh chhana he scheme hi lo piang a ni tih sawiin, Scheme chuan India ram pumpuia Sipai tanglai leh ESM te bakah an chhungte a huam thu a sawi a. Legal Service Clinic-in a tum bulpui ber chu Sipai tanglai leh ESM leh an chhungte dikna chanvo sum seng lo va humhalhsak te, chumi atana sum seng lo va Court leh Lok-Adalat ah te kalpui leh buaipui te ani a ti a. Kalkhawmte chu LSC pawimawhzia leh nih phungte midangte hnena hrilhretu nih tum theuh turin a chah nghal a ni.

NALSA Veer Parivar Sahayata Yojona 2025 Scheme hnuiaiah hian Kendriya Sainik Board te, India ram state tin a Rajya Sainik Board(34) te leh Zila Sainik Board (410) ah te Legal service Clinic awm theuh tur a ruahman a ni a. Chu’ng Legal Service Clinic (LSC)te chuan Legal service Authority Act 1984 hnuiaia dan awmsa angin hna an thawk ang a. Heng clinic-te hian harsatna chi hrang hrang ram leh ro inchuh thu te, Chhungkaw buaina te leh Sum leh pai a inbumna ah te theihtawp chhuahin scheme-in a huamte chu an tanpui thin dawn a ni. Legal service mamawh te chuan Rajya Sainik Board emaw Zila Sainik Board emaw ah PLV hnenah in report in application an thehlut thei dawn a ni.

<><><>

GST

Sorkar laipuiin a Goods and Services Tax, GST chungchanga ruahmanna thar a siam chuan Mizoramah pawh a takin awmzia a nei chho tan.

Wawiin lama Akashvani palaiin Aizawl hmun hrang hranga sumdawngte a kawm kual naah, GST chungchanga sorkar laipui thuchhuah siam thar chuan awmzia a nei thui viau tura an rin thu an sawi hlawm a, hei hian mipuite tan pawh rah tha a chhuah an beisei tak meuh meuh thu an sawi hlawm bawk.

Mizoram a Suzuki, KIA leh Force dealer LBS motors hotute chuan GST ruahmanna thar chungchangah an lirthei zawrh tlakhniam dan tur ti hian an sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Wawiin chawhnu dar 2 leh a chanve-ah Chanchinthar puan leh a ni ang.

<><><>

CCEA

Union Cabinet Committee on Economic Affairs (CCEA) chuan hmasawinna ruhrel lian tak tak pahnih cheng vaibelchhe 7616 senna tur an pawm. Union Information and Broadcasting minister Ashwini Vaishnawa'n chanchinbumite a hrilh danin CCEA hian km 177 a thui Bhagalpur-Dumka-Rampurhat inkar relkawng siamthatna tur a pawm a. He relkawng hi Bihar, Jharkhand leh West Bengal tan tlang tur a ni a. He project atan hian cheng vaibelchhe 3169 sen a ni ang.

(Byte)

Hei bakah hian CCEA chuan four lane greenfield highway Bihar-a Mokama-Munger section siamna tur a pawm bawk a. He kawng hi km 82 a thui niin cheng vaibelchhe 4447 sen a ni ang.

(Newsonair)

<><><>

NEPAL ARMY

India leh Nepal ramriah venhimna khauh taka kalpui a ni a. Nepala tharum thawhna thlen hnu lawkah Bihar, Uttar Pradesh leh Uttarakhand-a Nepal ramri te chu uluk leh zuala ven nghal a ni a. Sumdawinna checkpoint leh luhka dangahte Police leh Sashastra Seema Bal (SSB) te chuan ramri chetvel dan hi an vil uluk hle a ni.

Hetihlai hian Nepal sipaite chuan thuneihna lain an ram chhungah nimin tlai dar 5 thleng khan rampumah buaina siam khapin curfew pawh tukin dar 6 thleng a pawtsei a. Ramchhunga lungawilohna lantirna avanga hmun tam taka sawrkar hmun pawimawh hal chhiat, rawk leh tharum thawhna thleng zel avangin he thupek hi siam anih thu sipaite chuan an sawi a. An dinhmun azirin thupek dang an siam leh dawn niin sipaite chuan an sawi a ni. Hetihlai hian sawrkar laipui chuan India mite Nepal-a zin hrih lo turin a chah a ni.

(Newsonair)

<><><>

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah titlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST tharah hian Drones man a tlawm dawn a. A hmaa integrated camera ah zaa 18 leh mimal tana hman turah zaa 28 GST lak thin chu zaa 5 ah tihhniam a ni a. Hei bakah hian pilot training te tan inzirna flight and motion simulator ah pawh chhiah hi awl a ni ang. Chhiah lak dan thar avang hian Civil Aviation sector lamah nasa takin hmasawn a nih beisei a ni.Kan COrr report ngaithla ang.

VC

(Newsonair)

<><><>